

XAA SHIDA Xaqiiqda EE BUKAANKA, WAALIDIINTA IYO DARYEEL BIXIYAYAASHA.

Oggolaanshaha Isticmaalka Degdegga ah (EUA) ee Sotrovimab ee Daaweynta

Cudurka Coronavirus 2019 (COVID-19)

Waxa lagu siinayaa daawo la la yidhaahdo **sotrovimab** oo loogu talagalay daawaynta cudurka coronavirus 2019 (COVID-19). Xaashida Xaqiiqdu waxay ka kooban tahay maclumaad kaa caawinaya inaad fahanto khataraha iyo faa'iidooyinka ka iman kara qaadashada dawada sotrovimab, oo laga yaabo inaad qaadato.

Qaadashada sotrovimab waxaa laga yaabaa inay faa'iido ka helaan dad gaar ah oo qaba xanuunka COVID-19.

Akhri xaashidan oo ay ku jiraan maclumaadka ku jira xaashida Xaqiiqda ah ee ku saabsan sotrovimab. La hadal adeeg bixiyahaaga daryeelka caafimaadka haddii aad wax su'aalo ah qabtid. Adiga ayaa dooranaya inaad qaadato sotrovimab ama aad joojiso wakhtiga aad doonto.

Waa maxay COVID-19?

COVID-19 waxaa sababa fayras loo yaqaan coronavirus. Dadku waxay ku qaadi karaan COVID-19 xiriir ay la yeeshaan qof kale oo qaba fayraska.

Jirooyinka COVID-19 waxay u dhexeeyeen kuwo aad u fudud (oo ay ku jiraan qaar aan lahayn astaamo la soo sheegay) ilaa kuwo daran, oo ay ku jiraan xanuun sababi kara dhimasho. Iyada oo ilaa hada xogtu ay soo jeedinayso in inta badan cudurka COVID-19 uu yahay mid fudud iyo mid halis ahba ayaa waxa dhici karta waxayna sababi kartaa xaaladdaha caafimaad inay ka sii daraan. Dadka da'adoodu kala duwan tahay ee qaba xaalado caafimaad oo daran, oo muddo dheer soconaya (cudurada dabada dheer) sida cudurada wadnaha, cudurada sambabka, iyo sonkorowga, tusaale ahaan, cudurada kale oo ay ku jiraan cayilka, waxay umuuqdaan inay qatar sare ugu jiraan inay isbitaal u galaan COVID-19 dartiis. Dadka waawayn, oo qaba ama aan qabin xanuunada gaarka ah, ayaa sidoo kale halis sare ugu jira inay isbitaal u galaan COVID-19.

Waa maxay Calaamadaha COVID-19?

Calaamadaha COVID-19 waa qandho, qufac, iyo neefta oo yaraata, kuwaas oo soo bixi kara 2 ilaa 14 maalmood ka dib marka xanuunku kaa soo ifbaxo. Jirrooyinka daran ee ay ka mid yihiin dhibaatooyinka neefsashada ayaa dhici kara waxayna sababi karaan xaaladahaaga caafimaad ee kale inay ka sii daraan.

Waa maxay sotrovimab?

Sotrovimab waa daawo baadhis ku socoto oo loo isticmaalo daawaynta calaamadaha dhexdhexasadka ah iyo kuwa dhexe ee COVID-19 ee dadka waaweyn iyo carruurta (12 sano jir iyo ka weyn oo miisaankoodu yahay ugu yaraan 88 rodol [40 kg]) kuwaas oo laga helay, si toos ahna ula xidhiidha SARS-CoV-2 markii la baadhay, iyo kuwa halis sare ugu jira inay u gudbaan COVID-19 daran, oo ay ku jiraan isbitaal dhiggis ama dhimasho. Sotrovimab waa dawo baaritaan ku socdo sababto ah weli waa la darsayaa. Waxaa jira maclumaad xaddidan oo ku saabsan badbaadada iyo waxtarka isticmaalka dawada sotrovimab si loogu daweyyo dadka qaba COVID-19-ka fudud ilaa ka dhexdhexasad-ka ah.

Hayada Maamulka Cuntada iyo Dwoooyinka (FDA) ee Maraykanka ayaa oggolaatay isticmaalka degdegaa ah ee sotrovimab ee daawaynta COVID-19 iyadoo la raacayo Ogolaanshaha Isticmaalka Degdegga ah (EUA). Wixii maclumaad dheeraad ah ee ku saabsan EUA, eeg "**Waa maxay Oggolaanshaha Isticmaalka Degdegga ah (EUA)?**" waxay ku yaalaan qaybta dhammaadka Xaashida Maclumaadka.

Yaan la siinay sotrovimab?

Ha qaadan sotrovimab haddii aad dareen-celin xasaasiyadeed oo daran aad ku yeelatay sotrovimab ama mid ka mid ah maaddooyinka ku jira sotrovimab.

Waa maxay maaddooyinka ku jira sotrovimab?

Walaxaha firfircoon: sotrovimab

Walaxaha aan firfircoonayn: L-histidine, L-histidine monohydrochloride, L-methionine, polysorbate 80, iyo sucrose

Maxaan u sheegaa bixiyahayga daryeelka caafimaadka ka hor intaanan qaadan sotrovimab?

U sheeg daryeel bixiyahaaga caafimaad dhammaan xaaladahaaga caafimaad, oo ay ku jiraan haddii aad:

- Leedahay wax xasaasiyad ah
- Aad ku yeelatay dareen-celin xasaasiyad daran sotrovimab ama mid ka mid ah maaddooyinka ku jira sotrovimab
- Leedahay uur ama qorsheynayso inaad uur qaado
- Naasnuujineysaa ama qorsheyneyssaa inaad naas nuujiso
- Aad qabtid cudurro halis ah
- Aad qaadanayso daawo (daawooyin laguu qoray, warqad dhakhtar kuu qoray, fiitamiino, ama dawooyinka dhirkta ka samaysan)

Sideen ku heli karaa sotrovimab?

- Waxaad heli doontaa 1 dose oo ah sotrovimab.
- Sotrovimab waxaa lagaa siin doonaa xidid (xididka ama faleebo) in ka badan 30 daqiico.
- Bixiyaha xanaanada caafimaadkaaga ayaa ku ilaalil doona ugu yaraan 1 saac ka dib marka aad qaadato sotrovimab.

Waa maxay waxyeellooyinka muhiimka ah ee suurtogalka ah ee sotrovimab?

Dhibaatooyinka suurtagalka ah ee sotrovimab waa:

- **Dareen-celinta xasaasiyadeed.** Dareen-celinta xasaasiyaddu waxay dhici kartaa inta ay kugu jirto faleembada sotrovimab ah iyo ka dib labada. Isla markiiba u sheeg bixiyaha daryeelka caafimaadkaaga haddii aad isku aragto mid ka mid ah calaamadaha soo socda iyo calaamadaha falcelinta xasaasiyadda: qandho; neefsashada oo kugu adkaata; heerka ogsijiinta ee dhiigaaga oo hoos u dhaca; qarqaryo; daal; garaaca wadnaha oo degdeg ah ama gaabis ah; laabt xanuun; daciiifnimo; wareer; lalabo; madax xanuun; neefta oo kugu yaraata; cadaadiska dhiigga oo hooseeya ama sarreeya; hiinraag; bararka bushimahaaga, wejigaaga, ama cunahaaga; finan ay ku jiraan cuncun; cuncun; murqo xanuun; dawakhaad; miyir beelid; iyo dhidid.

Dhibaatooyinka soo raaca qaadashada daawada xididka waxaa ka mid noqon kara xanunnada gaagaaban, sida dhiig-baxa, nabarada maqaarka, xanunka, bararka, iyo caabuqa suurtogalka ah oo ku dhaca goobta irbadda lagaa siiyay.

Dhammaan kuwan ma aha waxyeellooyinka suurtagalka ah ee sotrovimab. Dad badan lama siin dawada sotrovimab. Dhibaatooyin daran oo lama filaan ah ayaa dhici kara. Sotrovimab weli waa la darsayaa, markaa waxaa suurtogal ah in dhammaan khataraha aan la ogeyn waqtigan.

Waxaa suurtogal ah in sotrovimab ay faragelin karto awoodda jidhkaaga si uu uga hortago caabuqa mustaqbalka ee SARS-CoV-2. Sidoo kale, sotrovimab waxa laga yaabaa inay yaraato jawaabta difaaca jidhkaaga ee tallalka SARS-CoV-2. Daraasado gaar ah looma samayn si wax looga qabto khatarahaas suurtogalka ah ee dhici kara. La hadal adeeg bixiyahaaga daryeelka caafimaadka haddii aad wax su'aalo ah qabtid.

Maxay yihiin xulashooyinka daaweynta kale ee jira?

Sida sotrovimab, FDA waxa laga yaabaa inay ogolaato isticmaalka degdega ah ee dawooyinka kale si loogu daweeoyo dadka qaba COVID-19. Ku dhufo <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization> ee macluumaaadka ku saabsan isticmaalka degdega ah ee dawooyinka kale ee aanay FDA u ogolayn in lagu daweeoyo dadka qaba COVID-19. Bixiyahaaga daryeelka caafimaadka ayaa laga yaabaa inuu kaala hadlo tijaabooyinka caafimaad ee laga yaabo inaad xaq u yeelato.

Waa doorashadaada in lagu daweeoyo ama aan lagu daweyn sotrovimab. Haddii aad go'aansato inaadan qaadan sotrovimab ama aad iska joojiso wakhti kasta, waxba kama beddeli doonto heerka daryeelkaaga caafimaad ee aad hesho.

Ka waran haddii aan uur leeyahay ama aan naas-nuujinayo?

Ma jirto wax khibrad ah oo lagu daweynayo haweenka urka leh ama hooyada naaska nuujinaysa sotrovimab. Hooyada iyo ilmaha aan weli dhalan, faaliidada qaadashada sotrovimab ayaa laga yaabaa inay ka weyn tahay khatarta daaweynta. Haddii aad uur leedahay ama aad naas nuujiso, daryeel bixiyahaaga caafimaad kala hadal xulashooyinkaaga iyo xaaladdaada gaarka ah.

Sideen uga warramaa dhibaatooyinka soo raaca ee sotrovimab?

Isla markiiba u sheeg bixiyaha daryeelka caafimaadkaaga haddii aad leedahay wax saameyn ah oo ku dhibaya ama aan tegin.

Ka warbixi dhibaatooyinka soo raaca **FDA MedWatch** ee laga helo www.fda.gov/medwatch ama wac 1-800-FDA-1088, ama wac Xarunta Xiriirkha GSK COVID 1-866-GSK-COVID (866-475-2684).

Sideen wax badan uga baran karaa?

- Weydii bixiyahaaga daryeelka caafimaadka.
- Booqo www.sotrovimabinfo.com
- Ka wac Xarunta Xiriirkha COVID ee GSK 1-866-GSK-COVID (866-475-2684)
- Booqo <https://www.covid19treatmentguidelines.nih.gov/>
- Booqo <https://combatcovid.hhs.gov/i-have-covid-19-now/available-covid-19-treatment-options>
- La xiriir waaxda caafimaadka dadweynaha ee deegaankaaga ama gobolkaaga

Waa maxay Ogolaanshaha Adeegsiga Degdega ah (EUA)?

FDA waxay ka dhigtay sotrovimab mid la heli karo iyada oo hoos timaada habka gelitaanka degdega ah ee loo yaqaan EUA. EUA waxaa taageera bayaanka Xoghayaha Adeegga Caafimaadka iyo Dadweynaha (HHS) in duruufa ay jiraan si loogu cudurdaarto isticmaalka degdega ah ee daroogada iyo alaabada bayooljiga inta lagu guda jiro Cudurka faafa ee COVID-19.

Sotrovimab laguma samaynin qimayn la mid ah dawooyinka ay FDA ogolaatay. Oggolaanshaha EUA sida ku xusan xaaladaha dedega ah ee caafimaadka dadwaynaha ee la xariira COVID-19, FDA waa inay tixgelisaa, waxyaabaha kale, ee ku saleysan wadarta guud ee caddeymaha sayniska ee la heli karo, waa macquul in la aamino in daawadu waxtar leedahay loona adeegsan karo, baaritaanka, daaweynta, ama kahortaga COVID-19, ama xanuunada halista ah ama kuwa dhimashada keena ama xaaladaha uu sababo COVID-19; kuwaas oo faa'idada suurtagalka ah ee la ogsoon yahay, marka loo adeegsado baaritaanka, daaweynta, ama kahortaga cudurka ama xaalada, ay ka badan yihiin halis la ogsoon yahay iyo kuwa suurtagalka ah ee daawadaas; oo aysan jirin daawo kale oo badelkeeda la isticmaalo ama daawo dadka ku filan. Dhammaan shuruudahan waa in la buuxiyaa si loogu oggolaado daawada loo isticmaalo daawaynta bukaanka inta lagu jiro aafada COVID-19.

EUA ee sotrovimab waxay shaqaynaysaa inta lagu jiro cadeynta COVID-19 ee lagu marmasiinayo isticmaalka degdega ah ee dawooyinkan, ilaa la joojiyo ama la buriyo mooyee (ka dibna badeecadaha lama isticmaali karo).



Waxaa soo saaray **GlaxoSmithKline LLC**
Philadelphia, PA 19112, U.S. Shatiga No. 1727
Waxaa qaybiyay **GlaxoSmithKline**
Research Triangle Park, NC 27709
©2021 GSK group of companies ama shati
bixiyaheeda. STR:3FS-P
Dib u eegid lagu sameeyay: Noofambar 2021